



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎՃՌԱԲԵԿ ԴԱՏԱՐԱՆԻ ՆԱԽԱԳԱՀ**

Ո Ր Ո Շ ՈՒ Մ

ԵՆԹԱԿԱՅՈՒԹՅԱՆ ՎԵՐԱԲԵՐՅԱԼ ՎԵՃԸ ԼՈՒԾԵԼՈՒ ՄԱՍԻՆ

20 սեպտեմբերի 2023 թվական

ք. Երևան

ուսումնասիրելով ըստ հայցի՝ Մայա Ալեքսանյանի ընդդեմ ՀՀ արդարադատության նախարարության՝ 2022 թվականի նոյեմբերի 17-ին կայացած՝ ՀՀ ԱՆ նոտարական գործողություններին մասնակցող թարգմանչի որակավորման ստուգման արդյունքում ՀՀ արդարադատության նախարարի կողմից ստեղծված հանձնաժողովի կայացրած՝ 2022 թվականի նոյեմբերի 27-ի թիվ 3 արձանագրությունը հայցվորի մասով վերացնելու, որպես հետևանք՝ ՀՀ արդարադատության նախարարության գլխավոր քարտուղարի՝ 2023 թվականի փետրվարի 15-ի թիվ /17.0.1/7898-2023 գրությունը վերացնելու պահանջների մասին, թիվ ՎԴ/6460/05/23 գործի ենթակայությունը որոշելու նպատակով այն Վճռաբեկ դատարանի նախագահին ուղարկելու վերաբերյալ Երևան քաղաքի առաջին աստիճանի ընդհանուր իրավասության քաղաքացիական դատարանի՝ 2023 թվականի սեպտեմբերի 8-ի որոշումը,

Պ Ա Ր Զ Ե Ց Ի

Գործի դատավարական նախապատմությունը.

1. Մայա Ալեքսանյանը 2023 թվականի օգոստոսի 18-ին հայցադիմում է ներկայացրել ՀՀ վարչական դատարան ընդդեմ ՀՀ արդարադատության նախարարության՝ պահանջելով հայցվորի մասով վերացնել 2022 թվականի նոյեմբերի 17-

ին կայացած՝ ՀՀ ԱՆ նոտարական գործողություններին մասնակցող թարգմանչի որակավորման ստուգման արդյունքում ՀՀ արդարադատության նախարարի կողմից ստեղծված հանձնաժողովի կայացրած՝ 2022 թվականի նոյեմբերի 27-ի թիվ 3 արձանագրությունը, որպես հետևանք՝ վերացնել ՀՀ արդարադատության նախարարության գլխավոր քարտուղարի՝ 2023 թվականի փետրվարի 15-ի թիվ /17.0.1/7898-2023 գրությունը:

2. ՀՀ վարչական դատարանի՝ 2023 թվականի օգոստոսի 24-ի որոշմամբ հայցադիմումը վերահասցեագրվել է Երևան քաղաքի առաջին ատյանի ընդհանուր իրավասության քաղաքացիական դատարանին:

3. Երևան քաղաքի առաջին ատյանի ընդհանուր իրավասության քաղաքացիական դատարանի՝ 2023 թվականի սեպտեմբերի 8-ի որոշմամբ, գործի ենթակայությունը որոշելու նպատակով, այն ուղարկվել է ՀՀ Վճռաբեկ դատարանի նախագահին:

4. Գործը ՀՀ Վճռաբեկ դատարանում ստացվել է 2023 թվականի սեպտեմբերի 13-ին:

Ենթակայության վերաբերյալ վեճի լուծման համար էական նշանակություն ունեցող փաստական հանգամանքները.

5. Հղում կատարելով ՀՀ վարչական դատավարության օրենսգրքի 1-ին հոդվածի 1-ին մասին, 3-րդ հոդվածի 1-ին մասին, 10-րդ հոդվածին, 81-րդ հոդվածին, ՀՀ քաղաքացիական դատավարության օրենսգրքի 21-րդ հոդվածին, «Վարչարարության հիմունքների և վարչական վարույթի մասին» ՀՀ օրենքի 3-րդ հոդվածին, «Նոտարիատի մասին» ՀՀ օրենքի 46-րդ հոդվածի 1-ին կետին, ՀՀ Կառավարության 2002 թվականի մարտի 2-ի՝ «Նոտարական գործողություններին մասնակցող թարգմանչին որակավորման վկայական տալու կարգը հաստատելու մասին» թիվ 193 որոշման 1-ին, 4-րդ, 5-րդ, 9-րդ, 11-րդ, 13-րդ և 17-րդ կետերին, ՀՀ Վճռաբեկ դատարանի՝ թիվ ՎԴ/0477/05/15 գործով 2016 թվականի սեպտեմբերի 28-ին և թիվ ՎԴ/1621/05/14 գործով 2016 թվականի ապրիլի 22-ին կայացված որոշումներով արտահայտած իրավական դիրքորոշումներին, ՀՀ վարչական դատարանը, 2023 թվականի օգոստոսի 24-ի որոշմամբ, հայցադիմումը վերահասցեագրել է Երևան քաղաքի առաջին ատյանի ընդհանուր իրավասության քաղաքացիական դատարանին՝ հետևյալ

պատճառաբանությամբ. «(...) ՀՀ արդարադատության նախարարության կողմից իրականացվող թարգմանչի որակավորման սրուգումն իրականացվում է Հայաստանի Հանրապետության արդարադատության նախարարի կողմից արեղծված հանձնաժողովը, որը վարչական մարմին չէ և որին վարչական ակտ ընդունելու լիազորություն վերապահված չէ:

Տվյալ դեպքում հայցվորը, ըստ էության, համաձայն չէ 2022թ. նոյեմբերի 17-ին կայացած՝ նորարական գործողություններին մասնակցող թարգմանչի որակավորման սրուգման արդյունքների հետ (անկախ իր կողմից ներկայացված հայցի առարկայից), որպիսի սրուգման աշխատանքները կազմակերպում է Հանձնաժողովը, իսկ սրուգման արդյունքները գնահատում է փորձագետը, հերևաբար այդ պայմաններում վեճը հանդիսանում է մասնավոր հարաբերությունների շրջանակում ծագած, ուստի հայցն ընդդարյա չէ Դատարանի քննությանը, քանի որ իրավահարաբերությունը չի համապատասխանում հանրային իրավահարաբերությունների հատկանիշներին»¹:

6. Հղում կատարելով ՀՀ քաղաքացիական օրենսգրքի 1-ին և 3-րդ հոդվածներին, «Նոտարիատի մասին» ՀՀ օրենքի 46-րդ հոդվածի 1-ին կետին, ՀՀ Կառավարության 2002 թվականի մարտի 2-ի՝ «Նոտարական գործողություններին մասնակցող թարգմանչին որակավորման վկայական տալու կարգը հաստատելու մասին» թիվ 193 որոշման 1-ին, 4-րդ, 5-րդ, 9-րդ, 11-րդ, 13-րդ և 17-րդ կետերին, ինչպես նաև ՀՀ Վճարելի դատարանի կողմից նախկինում արտահայտված իրավական դիրքորոշումներին, Երևան քաղաքի առաջին ատյանի ընդհանուր իրավասության քաղաքացիական դատարանը 2023 թվականի սեպտեմբերի 8-ի որոշմամբ գտել է, որ «(...) [Վ]եճի առարկա է հանդիսանում թարգմանչի որակավորման իրավահարաբերությունը, որի մի կողմում հանդես է գալիս որակավորման ենթակա անձը՝ ի դեմս սույն գործով հայցվորի, մյուս կողմում՝ հանրային իշխանական լիազորություններով օժտված սուբյեկտը՝ ՀՀ արդարադատության նախարարությունը՝ ի դեմս որակավորման հանձնաժողովի, որպիսի պարագայում խոսք չի կարող լինել կողմերի իրավաբանական հավասարության վրա և կամքի ինքնավարության վրա հիմնված իրավահարաբերությունների մասին, որոնք մասնավոր՝ քաղաքացիաիրավական տիրույթը որոշող առանցքային սկզբունքներ են»²:

¹ Տե՛ս դատական գործը, թերթեր 97-99:

² Տե՛ս դատական գործը, թերթեր 109-113:

Վճռաբեկ դատարանի նախագահի հիմնավորումները և եզրահանգումը.

7. Սույն գործով Վճռաբեկ դատարանի նախագահի առջև բարձրացված իրավական հարցը հետևյալն է. *հիմնավոր՞ է արդյոք Երևան քաղաքի առաջին արյանի ընդհանուր իրավասության քաղաքացիական դատարանի հերևությունն այն մասին, որ թիվ ՎԳ/6460/05/23 գործն ըստ հայցի՝ Մայա Ալեքսանյանի ընդդեմ ՀՀ արդարադատության նախարարության՝ 2022 թվականի նոյեմբերի 17-ին կայացած՝ ՀՀ ԱԾ նորարական գործողություններին մասնակցող թարգմանչի որակավորման սրուգման արդյունքում ՀՀ արդարադատության նախարարի կողմից սրեղծված հանձնաժողովի կայացրած՝ 2022 թվականի նոյեմբերի 27-ի թիվ 3 արձանագրությունը հայցվորի մասով վերացնելու, որպես հերևանք՝ ՀՀ արդարադատության նախարարության գլխավոր քարտուղարի՝ 2023 թվականի փետրվարի 15-ի թիվ /17.0.1/7898-2023 գրությունը վերացնելու պահանջների մասին, ենթակա չէ Երևան քաղաքի առաջին արյանի ընդհանուր իրավասության քաղաքացիական դատարանին:*

8. «Հայաստանի Հանրապետության դատական օրենսգիրք» ՀՀ սահմանադրական օրենքի 2-րդ հոդվածի 3-րդ մասի 1-ին կետի համաձայն՝ *«Մասնագիտացված դատարաններն են՝ վարչական դատարանը, (...):»*

Նույն օրենքի 20-րդ հոդվածի 1-ին մասի համաձայն՝ *«Առաջին արյանի ընդհանուր իրավասության դատարանը քննում է դատական կարգով քննության ենթակա բոլոր գործերը, բացառությամբ մասնագիտացված դատարանների ենթակայությանը վերապահված գործերի»:*

Նույն օրենքի 24-րդ հոդվածի 1-ին մասի համաձայն՝ *«Վարչական դատարանին են ենթակա Հայաստանի Հանրապետության վարչական դատավարության օրենսգրքով նախատեսված գործերը»:*

ՀՀ քաղաքացիական դատավարության օրենսգրքի 18-րդ հոդվածի համաձայն՝ *«1. Քաղաքացիական գործերը ենթակա են քննության առաջին արյանի դատարանում, բացառությամբ «Մասնկության մասին» Հայաստանի Հանրապետության օրենքով նախատեսված դեպքերի և հակակոռուպցիոն դատարանին ենթակա գործերի:*

2. Քաղաքացիական են համարվում իրավունքի մասին վեճի հետ կապված բոլոր գործերը, բացառությամբ Հայաստանի Հանրապետության վարչական դատարանի (...) կամ Սահմանադրական դատարանի իրավասությանը վերապահված գործերի (...):»:

ՀՀ վարչական դատավարության օրենսգրքի 10-րդ հոդվածի 1-ին մասի համաձայն՝ «Վարչական դատարանին ընդդարյա են հանրային իրավահարաբերություններից ծագող բոլոր գործերը, (...)»:

Նույն օրենսգրքի 81-րդ հոդվածի 1-ին մասի համաձայն՝ «Վարչական դատարանը, գործի քննության ցանկացած փուլում պարզելով, որ փվյալ հայցադիմումի պահանջն ընդդարյա չէ իրեն, այն պարճատարանված որոշմամբ վերահասցեագրում է ըստ ընդդարյության»:

9. Հանրային և մասնավոր իրավահարաբերությունների տարանջատման հարցին ՀՀ Վճոարեկ դատարանն անդրադարձել է «Վեսար» ՍՊԸ-ն ընդդեմ ՀՀ էկոնոմիկայի նախարարության մրավոր սեփականության գորճակալության վարչական գորճով կայացված թիվ ՎԴ/0830/05/14 որոշման շրջանակներում՝ արճանագրելով հետևյալը. «(...) [Հ]անրային իրավահարաբերությունը մասնավոր հարաբերությունից տարանջատվում է թե՛ սուբյեկտային կազմով, թե՛ բովանդակությամբ և թե՛ օբյեկտով: Այդ տարրերն առանճին-առանճին անհրաճեշտ են, իսկ իրենց համակցության մեջ բավարար են, որպեսզի փաստվի իրավահարաբերության հանրային լինելու հանգամանքը: Իրավահարաբերությունը հանրային հարկանիշով բնութագրելու համար նախևառաջ անհրաճեշտ է, որ հարաբերության կողմ հանդես գա հանրային իշխանական լիազորություններով օճրված սուբյեկտը (վարչական մարմիններ, դրանց պաշտոնարար անճիք, այդ թվում պետական և համայնքային ճառայողներ): Մինչդեռ հանրային իշխանական լիազորություններով օճրված սուբյեկտի՝ իրավահարաբերության կողմ լինելը դեռևս չի նշանակում, որ իրավահարաբերությունը հանրային բնույթի է, քանի որ հանրային բնույթը՝ որպես իրավահարաբերության բնութագրիչ, ճավալային առումով ներառում է իրավահարաբերության թե՛ սուբյեկտային կազմը, թե՛ օբյեկտը, թե՛ բովանդակությունը և ի հայտ է գալիս միայն վերոնշյալ երեք տարրերի համակցությամբ: (...) [Հ]անրային է այն իրավահարաբերությունը, որում կողմերից մեկի դերում անպայմանորեն հանդես է գալիս հանրային իշխանական լիազորություններով օճրված սուբյեկտը, որն այդ հարաբերության ընթացքում հանրային շահի իրացման

կապակցությամբ իրացնում է օրենքով սահմանված իր հանրային իշխանական լիազորությունները (...)³:

10. ՀՀ Վճռաբեկ դատարանը մեկ այլ՝ Գոռիշխան Իշիկյանն ընդդեմ «ԱՐՄԵՆԻԱ ՄԻՋԱԶԳԱՅԻՆ ՕԴԱՆԱՎԱԿԱՅԱՆՆԵՐ» ՓԲԸ-ի և ՀՀ Կառավարությանն առընթեր քաղաքացիական ավիացիայի գլխավոր վարչության, երրորդ անձ Հոփիսիմե Իշիկյանի քաղաքացիական գործով կայացված թիվ ԵՄԴ/1029/02/14 որոշմամբ արձանագրել է. «[Հ]անրային է այն իրավահարաբերությունը, որում կողմերից մեկի դերում անսպայմանորեն հանդես է գալիս հանրային իշխանական լիազորություններով օժտված սուբյեկտը, որն այդ հարաբերության ընթացքում հանրային շահի իրացման կապակցությամբ իրացնում է օրենքով սահմանված իր հանրային իշխանական լիազորությունները: Իրավահարաբերության հանրային լինելու և դրանից բխող վեճը վարչական դատարանին ընդդարյա լինելու հանգամանքը պարզելու նպատակով պետք է գնահատման առարկա դարձվեն հետևյալ հանգամանքները.

1. արդյո՞ք իրավահարաբերության կողմերից մեկը հանրային իշխանական լիազորություններով օժտված սուբյեկտ է, թե՛ ոչ,

2. արդյո՞ք այդ իրավահարաբերության բովանդակությունը կազմում է հանրային իշխանական լիազորությամբ օժտված սուբյեկտի կողմից իր հանրային իշխանական լիազորությունների իրականացման պարտականությունը, թե՛ ոչ,

3. արդյո՞ք այդ իրավահարաբերությունը ծագել է հանրային շահի իրացման կապակցությամբ (իրավահարաբերությունն ուղղված է եղել հանրային շահի՝ սոցիալ-իրավական պրակտիկայում իրացմանը և առարկայացմանը), թե՛ ոչ:

Միայն վերոգրյալ պայմանների միաժամանակյա առկայության դեպքում է հնարավոր փաստել իրավահարաբերության հանրային լինելու հանգամանքը, ինչպես նաև այդ հարաբերությունից բխող վեճերի ընդդարյության հարցը՝ հաշվի առնելով նաև այն կարևոր հանգամանքը, որ հանրային հարաբերություններից բխող բոլոր վեճերը չեն, որ վերապահված են վարչական դատարանի քննությանը, քանի որ ՀՀ Վարչական դատավարության օրենսգրքի 10-րդ հոդվածի 2-րդ մասի համաձայն՝ վարչական դատարանին ընդդարյա չեն Հայաստանի Հանրապետության սահմանադրական

³ Տե՛ս Վճռաբեկ դատարանի՝ «Վեսթ» ՄՊԸ-ն ընդդեմ ՀՀ Էկոնոմիկայի նախարարության մրավոր սեփականության գործակալության թիվ ՎԴ/0830/05/14 վարչական գործով 2016 թվականի ապրիլի 22-ի որոշումը:

դատարանի (...) ենթակայությանը վերապահված գործերը, ընդհանուր իրավասության դատարանի ենթակայությանը վերապահված քրեական գործերը, ինչպես նաև պարժի կարարման հետ կապված գործերը»⁴:

11. «Նոտարիատի մասին» ՀՀ օրենքի 46-րդ հոդվածի 1-ին կետի համաձայն՝ «Նորարական գործողությունների ժամանակ որպես թարգմանիչ կարող է հանդես գալ համապարասիան լեզվի տիրապետման մասին որակավորման վկայական ունեցող այն անձը, որին վարահում է նույնը, բացառությամբ սույն օրենքով նախատեսված դեպքերի: Օրար լեզվով գործարքը վավերացնելիս կամ հայերենին չտիրապետող կողմին պարզաբանումներ տալու համար թարգմանիչ ընտրությունը համաձայնեցվում է կողմերի հետ: Որակավորման վկայականներ տալու կարգը հաստատում է կառավարությունը: Որակավորման վկայականի ձևը սահմանում է արդարադատության նախարարը: (...)»:

12. ՀՀ Կառավարության 2002 թվականի մարտի 2-ի՝ «Նոտարական գործողություններին մասնակցող թարգմանչին որակավորման վկայական տալու կարգը հաստատելու մասին» թիվ 193 որոշմամբ հաստատվել է նոտարական գործողություններին մասնակցող թարգմանչին որակավորման վկայական տալու կարգը (այսուհետ՝ նաև Կարգ)՝ համաձայն «Նոտարիատի մասին» ՀՀ օրենքի 46-րդ հոդվածի 1-ին կետի:

Կարգի 1-ին կետի համաձայն՝ «Նորարական գործողությունների կարարման ժամանակ հայերենին չտիրապետող անձանց սպասարկել, ինչպես նաև փաստաթղթերի՝ հայերենից օրար լեզվով կամ օրար լեզվից հայերեն թարգմանություն իրականացնել ցանկացող անձանց թարգմանչի որակավորման վկայականները (այսուհետև՝ վկայական) տրվում են Հայաստանի Հանրապետության արդարադատության նախարարության (այսուհետև՝ նախարարություն) կողմից իրականացվող թարգմանչի որակավորման սրուգում (այսուհետև՝ սրուգում) անցնելուց հետո»:

⁴ Տե՛ս Վճռաբեկ դատարանի՝ Գողիշիան Իշիկյանն ընդդեմ «ԱՐՄԵՆԻԱ» ՄԻՋԱԶԳԱՅԻՆ ՕԴԱՆԱՎԱԿԱՅԱՆՆԵՐՔ» ՓԲԸ-ի և ՀՀ Կառավարությանն առընթեր քաղաքացիական ավիացիայի գլխավոր վարչության, երրորդ անձ Հոհիսիմե Իշիկյանի թիվ ԵՄԳ/1029/02/14 քաղաքացիական գործով 2016 թվականի ապրիլի 22-ի որոշումը:

Նույն Կարգի 4-րդ կետի համաձայն՝ «Ստուգումն իրականացնում է Հայաստանի Հանրապետության արդարադատության նախարարի (այսուհետև՝ նախարար) կողմից սրբեղծված հանձնաժողովը (այսուհետև՝ հանձնաժողով)»:

Նշված Կարգի 5-րդ կետի համաձայն՝ «Հանձնաժողովը՝

ա) կազմակերպում է դիմողների ստուգման աշխատանքները.

բ) ընտրում է թարգմանության համար նախատեսվող տեքստերը, որոնք ենթակա չեն հրապարակման.

գ) որոշում է ստուգման վայրը, ժամանակը և դրա մասին հայտնում դիմողներին.

դ) կազմակերպում է հանձնաժողովի աշխատանքները և կարգավորում ստուգող ու բողոքարկման հանձնաժողովների գործունեությանն առնչվող հարցերը.

ե) քննում է դիմողների բողոքները՝ կապված ստուգման կազմակերպման հետ.

զ) ընդունում է ստուգման կազմակերպման հետ կապված այլ որոշումներ.

է) իրականացնում է սույն կարգով սահմանված այլ լիազորություններ»:

Կարգի 9-րդ կետի համաձայն՝ «Դիմողի գիտելիքների ստուգման նպատակով նրան թարգմանության համար փոխում են հայերեն և համապատասխան օրար լեզուներով տեքստեր: Դիմողն իրավունք ունի թարգմանությունները կատարելիս օգտվելու բառարաններից և համակարգչային տեխնիկայից՝ առանց համացանցից օգտվելու հնարավորության»:

Նույն Կարգի 11-րդ կետի համաձայն՝ «Թարգմանությունների ճշրությունն ստուգում են նախարարության «Հայաստանի Հանրապետության արդարադատության նախարարության թարգմանությունների կենտրոն» պետական ոչ առևտրային կազմակերպության կողմից առաջադրված՝ համապատասխան լեզվին տիրապետելու մասին փաստաթուղթ ունեցող մասնագետների ցանկից հանձնաժողովի կողմից ընտրված փորձագետները: (...)»:

Նշված Կարգի 13-րդ կետի համաձայն՝ «Ստուգման արդյունքները գնահատում է փորձագետը: Ստուգման արդյունքները գնահատվում են 20 միավոր համակարգով: Դրական են համարվում 17 և բարձր միավորները»:

Կարգի 17-րդ կետի համաձայն՝ «Ստուգման արդյունքները կարող են բողոքարկման հանձնաժողով բողոքարկվել ստուգման արդյունքների սրացումից հետո 10 աշխատանքային օրվա ընթացքում»:

13. Վերը նշված իրավական նորմերի համակարգային վերլուծությունից բխում է, որ նոտարական գործողությունների ժամանակ որպես թարգմանիչ կարող է հանդես գալ միայն այն անձը, որն ունի համապատասխան լեզվի տիրապետման մասին որակավորման վկայական: Որակավորման վկայական տալու կարգը հաստատվել է ՀՀ Կառավարության 2002 թվականի մարտի 2-ի՝ «Նոտարական գործողություններին մասնակցող թարգմանչին որակավորման վկայական տալու կարգը հաստատելու մասին» թիվ 193 որոշմամբ: Նույն Կարգի համաձայն՝ նոտարական գործողություններին մասնակցող թարգմանչին որակավորման վկայական տրվում է ՀՀ արդարադատության նախարարության կողմից՝ թարգմանչի որակավորման ստուգումից հետո, որի իրականացումը վերապահված է ՀՀ արդարադատության նախարարի կողմից ստեղծված հանձնաժողովի իրավասությանը:

Վերոգրյալը վկայում է այն մասին, որ նոտարական գործողություններին մասնակցող թարգմանչին որակավորման վկայական տալու իրավահարաբերության կողմ հանդիսացող հանրային իշխանական լիազորություններով օժտված սուբյեկտը՝ ՀՀ արդարադատության նախարարությունն է: Այլ կերպ ասած՝ ՀՀ արդարադատության նախարարությունն իր վրա դրված նոտարական գործողություններին մասնակցող թարգմանչին որակավորման վկայական տալու հանրային իշխանական լիազորությունն իրացնում է՝ իր իսկ կողմից ստեղծված հանձնաժողովի միջոցով:

Ուստի սույն գործով վեճը ծագում է այնպիսի իրավահարաբերությունից, որի բովանդակությունը հանգում է հանրային իշխանական լիազորությամբ օժտված սուբյեկտի՝ ՀՀ արդարադատության նախարարության կողմից նոտարական գործողություններին մասնակցող թարգմանչին որակավորման վկայական տալու իր հանրային իշխանական լիազորությունների իրականացման պարտականությանը, իսկ քննության ենթակա հիմնական պահանջի հիմքում ընկած վիճելի իրավահարաբերությունն ուղղված է հանրային շահի ապահովմանը:

14. Սույն վարչական գործի նյութերի ուսումնասիրությունից հետևում է, որ.

- Մայա Ալեքսանյանը 2023 թվականի օգոստոսի 18-ին հայցադիմում է ներկայացրել ՀՀ վարչական դատարան ընդդեմ ՀՀ արդարադատության նախարարության՝ 2022 թվականի նոյեմբերի 17-ին կայացած՝ ՀՀ ԱՆ նոտարական գործողություններին մասնակցող թարգմանչի որակավորման ստուգման արդյունքում ՀՀ արդարադատության

Նախարարի կողմից ստեղծված հանձնաժողովի կայացրած՝ 2022 թվականի նոյեմբերի 27-ի թիվ 3 արձանագրությունը հայցվորի մասով վերացնելու, որպես հետևանք՝ ՀՀ արդարադատության նախարարության գլխավոր քարտուղարի՝ 2023 թվականի փետրվարի 15-ի թիվ /17.0.1/7898-2023 գրությունը վերացնելու պահանջների մասին⁵,

- ՀՀ վարչական դատարանը, 2023 թվականի օգոստոսի 24-ի որոշմամբ, հայցադիմումը վերահասցեագրել է Երևան քաղաքի առաջին ատյանի ընդհանուր իրավասության քաղաքացիական դատարանին՝ այն պատճառաբանությամբ, որ ՀՀ արդարադատության նախարարության կողմից իրականացվող՝ թարգմանչի որակավորման ստուգումն իրականացնում է ՀՀ արդարադատության նախարարի կողմից ստեղծված հանձնաժողովը, որը վարչական մարմին չէ և որին վարչական ակտ ընդունելու լիազորություն վերապահված չէ, ուստի հայցվորի պահանջն ընդդատյա չէ ՀՀ վարչական դատարանին⁶,

- Երևան քաղաքի առաջին ատյանի ընդհանուր իրավասության քաղաքացիական դատարանը, համապատասխան նորմերի վերլուծության արդյունքում, եզրահանգել է, որ սույն հայցի հիմքում ընկած իրավահարաբերությունը քաղաքացիաիրավական չէ, քանի որ մի կողմում հանդես է գալիս որակավորման ենթակա անձը՝ ի դեմս սույն գործով հայցվորի, մյուս կողմում՝ հանրային իշխանական լիազորություններով օժտված սուբյեկտը՝ ՀՀ արդարադատության նախարարությունը՝ ի դեմս Որակավորման հանձնաժողովի⁷:

15. Նախորդ կետում մեջբերված փաստական հանգամանքները գնահատելով սույն որոշման 8-13-րդ կետերում վկայակոչված իրավադրոյթների և արտահայտված իրավական դիրքորոշումների լույսի ներքո՝ հարկ է նկատել, որ տվյալ դեպքում Մայա Ալեքսանյանի և ՀՀ արդարադատության նախարարության միջև ծագած վեճը վերաբերում է ՀՀ արդարադատության նախարարի կողմից ստեղծված հանձնաժողովի կողմից նոտարական գործողություններին մասնակցող թարգմանչի որակավորման ստուգման արդյունքները վիճարկելուն, որպիսի իրավական վեճը բխում է ոչ թե մասնավոր, այլ հանրային իրավահարաբերություններից:

⁵ Տե՛ս սույն որոշման 1-ին կետը:

⁶ Տե՛ս սույն որոշման 5-րդ կետը:

⁷ Տե՛ս սույն որոշման 6-րդ կետը:

16. Վերը շարադրվածը հիմք է տալիս փաստելու, որ Երևան քաղաքի առաջին ատյանի ընդհանուր իրավասության քաղաքացիական դատարանի հետևությունն այն մասին, որ թիվ ՎԴ/6460/05/23 գործն ըստ հայցի՝ Մայա Ալեքսանյանի ընդդեմ ՀՀ արդարադատության նախարարության՝ 2022 թվականի նոյեմբերի 17-ին կայացած՝ ՀՀ ԱՆ նոտարական գործողություններին մասնակցող թարգմանչի որակավորման ստուգման արդյունքում ՀՀ արդարադատության նախարարի կողմից ստեղծված հանձնաժողովի կայացրած՝ 2022 թվականի նոյեմբերի 27-ի թիվ 3 արձանագրությունը հայցվորի մասով վերացնելու, որպես հետևանք՝ ՀՀ արդարադատության նախարարության գլխավոր քարտուղարի՝ 2023 թվականի փետրվարի 15-ի թիվ /17.0.1/7898-2023 գրությունը վերացնելու պահանջների մասին, ենթակա չէ Երևան քաղաքի առաջին ատյանի ընդհանուր իրավասության քաղաքացիական դատարանին, հիմնավոր է:

17. Վերոգրյալի հիման վրա, գտնում եմ, որ Մայա Ալեքսանյանի հայցադիմումի հիման վրա հարուցված թիվ ՎԴ/6460/05/23 գործը ենթակա է ՀՀ վարչական դատարանի քննությանը:

Հիմք ընդունելով վերոշարադրյալը և ղեկավարվելով ՀՀ քաղաքացիական դատավարության օրենսգրքի 26-րդ հոդվածով՝

Ո Ր Ո Շ Ե Ց Ի

թիվ ՎԴ/6460/05/23 գործն ըստ հայցի՝ Մայա Ալեքսանյանի ընդդեմ ՀՀ արդարադատության նախարարության՝ 2022 թվականի նոյեմբերի 17-ին կայացած՝ ՀՀ ԱՆ նոտարական գործողություններին մասնակցող թարգմանչի որակավորման ստուգման արդյունքում ՀՀ արդարադատության նախարարի կողմից ստեղծված հանձնաժողովի կայացրած՝ 2022 թվականի նոյեմբերի 27-ի թիվ 3 արձանագրությունը հայցվորի մասով վերացնելու, որպես հետևանք՝ ՀՀ արդարադատության նախարարության գլխավոր քարտուղարի՝ 2023 թվականի փետրվարի 15-ի թիվ /17.0.1/7898-2023 գրությունը վերացնելու պահանջների մասին, ենթակա է ՀՀ վարչական դատարանին:

ԼԻԼԻԹ ԹԱԴԵՎՈՍՅԱՆ